

四庫全書

史部

欽定四庫全書

史部

萬壽盛典初集卷一百十五
六

詳校官宗人府丞_臣寶光龍

編修_臣程嘉謨覆勘

總校官知縣_臣楊懋珩

校對官中書_臣趙秉淵

校對官編修_臣沈清藻

謄錄監生_臣劉田

謄錄監生_臣茅琳

欽定四庫全書

萬壽盛典初集卷一百十五

歌頌五十五

生監諸臣六

萬壽詩

五言排律八韻

生

員臣張忠鳳

聖代規模遠昌時景命隆錫齡膺保定御宇盛朝宗懋
德超千古修和叙九功搜羅多國輔側席引文
雄講學心源接敷文禮教崇闢門光舜化浴岳

邁克聰集慶三才合歌風百爾叢太平多樂事

華祝萬方同

萬壽詩

五言排律六韻

生

員臣徐善謙

紫氣浮金掌紅雲捧玉觴衣冠趨

帝座奎壁映文昌日暖龍鱗濯春明鳳羽翔

九重深德澤多士盡賢良籲俊同元愷掄才陋漢唐虹

流綿歷算雲漢煥天章

萬壽詩

四言一章

生

員臣王文奎

粵稽前聖時惟三皇紀年以萬厯數綿長穆穆
天子德邁陶唐蕩蕩無名巍巍難量恭逢

萬壽瑞靄雲翔山龍垂袞藻火繪裳臯夔輔弼岳牧賡
颺衣冠萬國貢琛來王

天顏有喜同躋壽康流膏沛澤薄海汪洋菁莪廣化雲
漢為章四門既闢三宅用彰朝賡零露野頌甘

崇綿綿

萬歲得人而昌雲霞蒸蔚商商煌煌與天不息應地無

疆

萬壽詩 四言一章

生

員臣 邱錫焜

皇帝受命萬國咸寧配天等極為世作程

躬勤萬幾雞鳴戒曉橫經典學求賢訪道誕敷文德載

績武功覆載所及罔弗攸同多士雲興羣材霧

集揚馬鄒枚陳詩載筆咸歌

聖德煥美虞唐化成久道至治彌光

萬壽詩

四言一章

生

員臣陳言

聖人立極景運彌長聲靈赫濯化育光昌自天申之受
命溥將和風麗日穆穆當陽垂紳委佩拜手稱
觴衢歌巷舞山梯海航論秀書升觀國之光庶
鳴華野鳳翽梧岡太平有象多士思皇億萬斯

年福祿穰

萬壽詩四言一章

生

員臣卬輯

乾健不息坤厚無疆天地合德視履考祥其惟
聖人離照四方四時合序利用賓王自天佑之有慶含
章以其彙征觀國之光

王用三錫朱紱斯皇天下文明磐石苞桑

萬壽詩四言一章

生

員臣伍超

聖神廣運天錫純嘏德合無疆眉壽御宇巍乎鴻績煥
乎龍文仁風洋溢和氣氤氲九服大同萬邦齊
軌文恬武熙禮經樂緯辟雍造士棘闈招英珠
求照乘玉剖連城士慶風雲世登雍穆萬國咸
寧三多永祝

萬壽詩四言一章

生

員臣賈寬生

皇覆萬宇品物咸亨九賓在列百譯輸誠星雲紉縵鸞
鳳和鳴仁覆如天明照如日親賢任能愛民育
物禮備樂成聲教四訖鑒觀惟德丕命惟

皇物性茂育謠俗樂康曰惟萬年同於昊蒼

萬壽詩 五言排律六韻

生

員臣張 鉉

運際文明世人逢上理時祥風迴鳳輦瑞氣拂
龍旗玉律當春轉彤雲繞殿披菁莪同化育穡

樸並榮施鼓腹堯天久嬉遊舜日遲草茅爭獻

壽願上

萬年卮

萬壽詩 七言律一首

生

員臣姜昌茂

山河大地呈春色

聖主初開

萬壽筵獻雉貢琛來禹甸阜財解慍自虞絃琪花不

謝香千樹鳳羽高翔耀九天不是

盛朝求士切那能作賦達甘泉

萬壽詩七言律一首

生

員臣吳澍

祥開南極霽恩波寰宇春深樂太和
一統車書環玉帛中天日月麗山河
風吹仙樂來

鸞掖嵩合呼聲集鳳坡北望幾回稱

萬壽華封無地不謳歌

萬壽詩 五言排律六韻

生

員臣李之琯

萬年膺百祿紫極繞樞辰慶洽敷天際歡騰率
土濱山河綿福祚雨露廣陶甄讀易知恒道賡
詩頌作人名山收韞玉薄海網奇珍踴躍來多
士謳歌祝

紫宸

萬壽詩 五言排律六韻

生

員臣于應薦

盛德高千古

豐功邁百王窮簷通寤寐列聖儼羹牆統接尼山席人

登洙泗堂流虹書紀瑞感月史徵祥應德芝房

秀作人雲漢光嵩呼通

黼座傳響叶笙簧

萬壽詩

五言排律六韻

生

員臣沈曾豐

聖人綿景運垂拱莅神州惠澤敷遐甸謳思徧遠陬岡
陵綿玉燭帶礪固金甌紫氣凝

龍闕丹書降

鳳樓驛駟馳逸足鴻鵠振高秋

萬歲嵩呼日觀光素志酬

萬壽詩 五言排律六韻

生

員臣秦朱干

南極輝朝旭東華繞瑞烟春催鸞禁柳香引鳳

池蓮甘露溥
璚樹流霞泛
綺筵光華燦
河漢經
綿協璣璿
一德明良會
三多福祉全
春和

閭闔啟萬舞
祝長年

萬壽詩
七言律一首

生

員臣張予宏

麗日初升瑞靄生
瑤池春宴泰階平

九重宵旰勞區畫
萬國梯航謁

聖明壁水薰風來
北極銀河化雨洽
西清瞻雲競獻無

疆祝嵩嶽三呼達

帝京

萬壽詩 五言排律六韻

生

員臣朱品奇

山川呈異瑞運會自遐昌
棧樸歌頻作芝蘭佩
正芳普天雨露萬載慶
禎祥仙苑青麟育瑤
池紫鳳翔春光敷

睿藻文采煥

宸章取士英華集瞻雲捧玉觴

萬壽詩七言律一首

生

員臣瞿義正

太平端拱仰垂裳治協唐虞德化翔六合共球

環

鳳闕千官拜舞肅鵷行瀛臺春滿風雲色

玉殿天開日月光多士傾心齊向日敢持銀管祝無

疆

萬壽詩

五言排律六韻

生

員臣鮑楫

聖朝逢泰運

帝德立乾綱
玉厯初周甲
春暉永載陽
普天瞻瑞靄
率

土進霞觴闋
苑變龍集瑤
池鸞鳳翔
兆民欣有

賴多士
頌無疆
鼓瑟諧鳴
庶羣歌天
保章

萬壽詩

五言排律六韻

生

員臣王煥

天地恩光大昇平化日舒萬年調玉燭四表拱
皇居景福綿長算鴻禧洽九如

宸衷尤重學文苑每崇書檄樸霑榮幸菁莪佩澤餘丕
基長鞏固億載正權輿

萬壽詩

五言排律六韻

生

員臣朱 琯

壽域弘開日文風丕振年中天懸日月萬國仰
璣璫華祝陳三願嵩呼動八埏陽春敷化育桃

李競爭妍青鳥來仙島霞觴進

御筵儒臣勤虎拜歌舞

聖皇前

萬壽詩

五言排律六韻

生

員臣潘玉衡

作人稱壽考

聖世主文昌道啟鴻鈞泰仁敷庶物康

睿謀周海甸明斷肅官常人物千秋盛聲名萬禩揚羣

工爭獻賦多士慶觀光
戩穀歌無盡靈長運未

央

萬壽詩

五言律一首

生

員臣項超

皇極開天運嘉祥集

聖躬湛恩春共永久
道化逾隆北斗垂光遠
南山比壽

崇上林花更好紫禁氣偏融

萬壽詩

五言排律六韻

生

員臣沈均

禁籞通南極奎垣耀斗辰風雲輝黼黻日月麗
絲綸柳汁春先染槐花秋愈新流虹綿玉厯湛
露樂嘉賓擁仗朝

丹陛樞衣祝

紫宸眉齡齊泰岱景福洽神人

萬壽詩 五言排律六韻

生

員臣顧鎬

鳳歷三皇紀鴻鈞萬象新堯階春正永舜瑟韻
初勻閭闔開

昌運遐取仰化神升恒同日月奎壁燦星辰鳴鳳霑文
治飛熊兆渭濱光華長旦復保佑自天申

萬壽詩

五言排律六韻

生

員臣張光宙

聖主當陽日蒼生相慶時絳雲環玉輦紫氣接瑤池大
地歡聲動光天喜氣隨

九重開鳳閣萬國拜龍墀
士際風雲會人霑化雨滋
草茅何以報願獻

萬年詩

萬壽詩七言律一首

生

員臣程倬

南極昭回護

紫宮玉階仙
莢鬱青葱九衢淑氣瞻
雲日千載昌期祝華嵩
多士賡歌承湛露普天耕
鑿沐薰風

從知

聖壽齊高厚八表同春化育中

萬壽詩四言一章

生

員臣戴鶴齡

惟天職覆惟地職載位為兩儀亘古永賴惟覆
故生惟載故成帡幪埏埴鼓鑄羣生

聖皇撫世富有日新法天之健則地之貞

德邁三皇

功高百后蕩蕩巍巍必得其壽博施濟衆摩義漸仁養
之教之多士蔚興有賢必登有才必育廣闢四
門八方悅服純嘏爾常第祿咸康至誠不息悠
久無疆以篤

宸修以綿

萬壽惟仁與恭彌固其後受天之祜民安物阜

萬壽詩四言一章

生

員臣狄淮

皇帝受命格於皇天介以繁祉錫以大年惟天之道不已其恒

聖人則之久道化成

渙頒大號施於四方蒸我髦士為邦家光自今以始無
往不復至於十年鉅典頻續十百千萬日月遞
遷濟濟多士拔茅茹連我聞在昔周王壽考成
人有德小子有造維

皇首出純德孔明旁求俊乂王國之楨川媚神珠山輝

瑞玉秦運弘開誕膺永福北辰輝映南極光騰
明良喜起同慶岡陵

萬壽詩

四言一章

生

員臣李 埰

皞皞仁風巍巍

帝德得一以貞奉三為式萬象昭回揚休布愷日月升
恒卿雲霽霽恭逢

聖誕維春之盛泰階允平珠斗輝映光被四表有華其

曜神芝奕奕旭日斯照久道化成人文炳郁景
運弘開載賡載樸野無留良譽髦萃止東壁延
英莫娛茲美

聖人當御大雅扶輪承明載筆金馬垂紳多士蒸蒸式
歌且舞頌聲洋洋乃溢寰宇小臣作頌

大德同天受天之命於萬斯年

萬壽詩 四言一章

生

員臣沈汝翼

於赫

皇王君師萬邦功參天地德邁陶唐五十二載恭已垂
裳綏猷建極治化畢張湛恩雨露大澤汪洋時
雍風動民物熙昌車書禮樂六服輝煌聖敬日
躋上蒼穹蒼

一人有慶

特典非常海隅日出咸樂觀光濟濟多士雲路騰驤和
風斯扇淑氣載陽受天之祐長發其祥河清海

宴永際明良慶徵國祚歡洽膠庠小臣申頌

萬壽無疆

萬壽詩四言一章

生

員臣鄒士隨

穆穆我

皇受命溥將車書玉帛禮樂冠裳歲在癸巳

天子萬壽日升月恒如山如阜乃命司徒論秀書升我

我髦士三壽作朋惟德攸好惟賢是寶化成人

文載歌天保

萬壽詩

四言一章

生

員臣曹惟均

皇躬誕降福履綿長德邁五帝功高百王光連斗極瑞
應星芒蓬山煦燠瑶草芬芳菁莪雅化文運彌
昌人才蔚起奎壁輝煌治隆化美恩溥德洋聲
教四訖中外頌揚羣稱

萬壽永祝無疆

萬壽詩 五言排律六韻

生

員臣錢拱辰

寶曆開昌運椒圖映曙光洪鈞一氣轉

聖壽萬年長舜樂陳彤陛堯樽進未央莘莘魚在藻
翽翽鳳鳴岡四海歡聲溢三呼喜氣揚敷天齊拜
手

閭闔正迎祥

萬壽盛典初集卷一百十五

欽定四庫全書

萬壽盛典初集卷一百十六

歌頌五十六

生監諸臣七

萬壽詩

四言一章

生

員臣鄒慶魯

皇帝御極寶歷光昌數周甲子歲紀昭陽化行四表澤被
萬方和氣蒸洽惠風翱翔祥徵五序瑞曜三光鹿
鳴鼓瑟魚藻承筐珊瑚碧樹翡翠明璫古人藹藹

碩士皇皇如松如栢如陵如岡

萬壽詩

四言一章

生

員臣馬之蘭

猗歟我

皇綱紀四方是彝是訓來享來王顯顯令德克配彼天
錫之多福億萬斯年維

帝曰咨濟濟多士用勲厥治予其汝試英傑篤生惟國
之楨後先疏附萬國以寧

萬壽詩

四言一章

生

員臣王起鴻

惟天眷德保佑命之惟德格天允受蕃釐建其
有極斂時五福純嘏爾常景命有僕以薪以槱
弘茲有造福澤綿綿恩波浩浩馮翼孝德疏附
後先思皇多祜

天子萬年

萬壽詩

四言一章

生

員臣沈熙

巍巍我

皇照臨萬邦恩覃庶姓德被遐荒天地合撰日月齊光
取士必得立賢無方岡陵旣頌雲漢為昭揆文
奮武化育鈞陶勲高於舜德峻於堯普天同慶
萬國來朝

萬壽詩

五言排律六韻

生

員臣吳燦吉

帝德垂裳治

皇圖卜厯昌
紹休恢聖緒
作則煥文光
日月明同照
乾坤算竝長
杏林收桂子
秋實擷春芳
九服霑聲教
羣英樂頌颺
華封人有祝

天子壽無疆

萬壽詩

五言排律六韻

生

員臣徐洵

闔闔開黃道祥光集

紫宸和風噓海甸甘雨沛江濱一歲增雙榜三元閏六
旬禁城煙柳細御苑碧桃新青鳥銜書日奇英
待漏晨八方歌壽祉四海荷

恩綸

萬壽詩

五言排律六韻

生

員臣殷承爵

帝德高千載

皇仁徧萬方
梯航歸有道
川阜祝無疆
海宇金湯固
河山日月長
時雍同舜世
壽考邁周王
巢鳳來阿閣
遷鶯繞建章
東皇來獻壽
卉木盡飄香

萬壽詩

五言排律六韻

生

員臣江啟鐸

景運開隆治祥符兆熾昌岡陵凝壽祉雲漢麗
天章曠典朝端重奇逢士氣揚文壇來俊秀藝
苑集珪璋鵬路風雲捷雞林杏桂芳師師稱獻
頌歲歲戴

君王

萬壽詩

七言律一首

生

員臣許開平

絳甲初周鶴算長

九重宮殿靄千祥
東方桃獻蓬山瑞
南極星呈奕葉光
聖世覃恩羅俊彥
人才應運炳文章
會看岳牧變龍輦
歲歲螭頭進紫觴

萬壽詩

七言律一首

生

員臣陸允鈞

時逢

景運正中天
令布陽和春
更妍溫瑟歌
風遊舜世垂
裳
致治戴堯年
功高萬古金
甌奠道合千
秋寶歷
綿共沐

皇恩遐邇徧
嵩呼華祝樂
無邊

萬壽詩

五言律一首

生

員臣劉珊

一人瞻有道萬國祝長年
瑞草榮堯殿薰風協舜絃
九如方祝嘏三物更賓賢
佳氣乾坤溢春光滿壽筵

萬壽詩

五言律一首

生

員臣汪師蘭

聖德同堯舜鴻圖邁禹湯景卿瞻

聖世草木煥晴光銀甕綿山阜金甌鞏

廟堂含生成鼓舞萬禩慶悠長

欽定四庫全書

卷一百十六

萬壽詩

五言排律六韻

生

員臣李士鍾

佳氣凝三殿祥雲蔚

九重霄盤承玉露仙樂響金鏞春色蟠桃醉晴烟御柳
濃儒林邀

異數海甸徧時雍爛熳南宮杏菁蔥

上苑松百王從未有軒昊接高蹤

欽定四庫全書

卷一百十六

萬壽詩

七言律一首

生

員臣錢天保

南極星躔麗碧空
奎光遙映藥珠宮
箕疇首建
惟

皇極華祝三多集

聖躬滄海神珠供採擷
藍田瑞玉受磨礪
試聽藹吉岡
陵頌穆穆仁聲應八風

萬壽詩

五言排律六韻

生

員臣團豐根

運值唐虞際星廻甲子周冠裳趨

鳳闕簪笏拱

龍樓

綸綍宣三殿賢才貢九州文光輝斗極科目舉春秋就

日傾葵藿瞻雲拜

冕旒嵩呼與華祝歲歲海添籌

萬壽詩

五言排律六韻

生

員臣魏經

五紀戴

元良垂衣靖八方
彌天敷雨露率土列冠裳
雉尾開宮扇螭頭繞御香
山川增藻麗雲漢煥文章

鳳詔開賢路鴻儒觀國光
野人爭獻頌壽域祝無疆

萬壽頌

生

員臣韓任重

皇帝御宇

德昭功懋中正乾綱含弘坤厚氤氲太和洋溢宇宙歌
敘平成豐穰屢奏大化翔洽民淳士秀翹鳳來
儀祥麟在囿甘露流珠卿雲出岫

萬歲垂裳岡陵並壽時惟三春花明柳繡萬國衣冠歡
欣幬覆芄芄棣樸標新日茂士氣蒸蒸唐虞復

欽定四庫全書

卷一百十六

觀鼓舞振興金臺輻輳顙俊闢門德丕平富蕩
蕩難名

皇天眷佑

萬壽頌

生

員臣張之遇

天亶聰明作君作師

一人有慶兆民賴之

皇帝御極雲行雨施歲在癸巳春王三月虎拜於廷嵩
呼於闕億萬斯年天顏咫尺

皇帝萬壽以安元元贊茲化育參彼坤乾無為而治軼
彼羲軒久道化成溢乎四海聲教覃敷揚光耀

采濟濟多士亦元亦凱惟臣欽若惟

皇綏猷登三咸五莫之與儔式歌九如永承天庥

萬壽頌

生

員臣徐大觀

一人有道三階底平允文允武乃聖乃神九歌宣政八
極同文為麟為鳳作榦作楨福祿天來俊乂雲
蒸自今伊始川至日升三祝九如壽考作人
聖歷無疆普天同賡

萬壽頌

生

員臣徐肇模

若稽五帝仁壽永康選賢建能輔治家邦思皇
多士左右奉璋維我

天子穆穆皇皇宏開壽域來享來王

曠典作人雲漢為章荷天百福

萬壽無疆

萬壽詩 五言排律六韻

生

員臣解搏

瑞氣浮雙闕宮花燦御墀
高呼喧畫漏仙仗簇
春旗香馥爐烟細雲開雉尾隨
遲遲當淑景濟
濟奉霞卮五福箕疇斂千秋寶鑑垂

恩綸敷率土髦士應昌期

欽定四庫全書

卷一百十六

萬壽詩

七言律一首

生

員臣趙斗

九重壽域初開日雲漢昭回麗碧天元凱嵩呼

金闕下夔龍華祝

玉堦前鳳鳴喜值添籌日豹變欣逢復旦年自是薰

風能解阜

帝廷一曲聽虞絃

萬壽詩

五言排律八韻

生

員臣高玉桂

海宇昇平日人才樂育時
長庚輝壽域甲子展春期
瑤島呈麟脯蓬山獻瑞芝

御園花放藥上苑柳垂絲
賜拜千官肅謳歌四海熙
三多來華祝五福應箕推
世際風雲會人霑雨露
滋萬方齊獻壽歡進紫霞卮

萬壽詩

栢梁體

生

員臣李子貴

聖人御極鳳歷長
深仁厚德高穹蒼
體元出治冠百王
頻蠲賦稅恩汪洋
黃淮交匯猶隄防
山陬海澨咸梯航
中外寧謐奏時康
菁莪樂育歡聲揚
普天同歌

萬壽長

萬壽詩

五言排律六韻

生

員臣殷璉

寶曆當春永璿圖應日長薰風來拂地

離照正當陽弱柳垂閭闔仙桃熟建章

龍飛爭利見鳳舞竝呈祥樹入瀛臺秀花歸閨苑香媚

茲羣有願

帝祚自光昌

欽定四庫全書

卷一百十六

萬壽詩

五言排律六韻

生

員臣吳煜立

瑞氣籠

丹陛祥雲護

紫宸瑤階生萼莢
閨苑長靈椿

特詔開天網

殊恩簡席珍
化源三峽浪壽域

九重春域樸謳歌
徧宮牆氣象
新冠裳隨虎拜
保佑頌

天申

萬壽詩

五言排律六韻

生

員臣顧音昭

運值雍和代時逢瑞靄年

皇躬歌介祉

聖歷慶綿延芝蓋卿雲繞楓宸湛露鮮春風看鶚薦秋
日喜鶯遷異數承

恩渥鴻才奪錦先儒林欣盛事願賦九如篇

萬壽詩

五言排律六韻

生

員臣
黃濟生

興朝多盛事奕葉著良謨
雨露栽培久雲霞爛熳敷
斯文歌雀躍多士競鳬趨

德顯天申命

時乘玉衍符丹山來鸞鷟
鐵網盡珊瑚介福迎春靄
微謠徧壤衢梧岡鳴颺鳳
九有效嵩呼

萬壽詩 五言排律六韻

生

員臣
陳桂恩

一統昇平日三春瑞靄中休徵歸

聖世福履集

皇躬惠凱丹霄徹文明紫氣融玉虬騰翰苑銀漢映珠
宮鯤向天池化鵬從雲路通作人還壽世長此
沐仁風

萬壽詩

七言律一首

生

員臣丁干恭

閭闔晨開氣鬱葱

御爐香裊瑞煙籠
星流電繞符仙紀
露靄雲祥叶化工
閨苑有梧皆翹鳳
神州無嶽不呼嵩
時雍大地

霑

天澤擊壤衢歌處處同

欽定四庫全書

目錄
卷一百十六

萬壽詩

五言排律六韻

生

員臣歸復佺

禮樂千秋盛車書萬國通
寰中皆樂土宇內徧薰風
應律宮商協乘時草木豐
鳳凰飛翹翹棫樸秀芄芃

壽與天俱永春隨化並融
君王多樂愷常與兆民同

欽定四庫全書

卷一百十六

萬壽詩

五言排律六韻

生

員臣楊士標

擊壤華封祝卿雲八伯歌

皇仁真浩蕩民俗喜雍和

壽自齊天地

恩尤被薜蘿人逢隆運起才本

聖朝多楨幹須培植圭璋賴琢磨萬方歸壽域瞻拜盛

鳴珂

欽定四庫全書

卷一百十六

萬壽詩

七言律一首

生

員臣王前

大德天申祚正綿遙瞻

御極日高懸光承北斗斟堯酒樂奏南薰入舜絃一統

車書爭獻頌萬方玉帛盡朝天海隅同進無疆

祝共沐

皇仁樂大年

萬壽詩

五言排律十四韻

生

員臣莊樹嘉

冠冕朝宗日

君王燕喜時春諧姑洗律花發萬年枝青瑣傳宮漏丹
墀簇羽旗露盤承北闕雲輦降西池瑞靄供

宸賞彤闡奉

聖慈樹棲五彩鳳庭產九莖芝麟趾方呈瑞滎河正衍禧
彙征弘保泰繼照炳重離日光文治山河萃

藻思瑤琨容蘊璞紈縞尚紫絲上國張銀榜弘
才綴錦詞金臺方市駿珠海盡探驪世際貞元
會躬膺福履綏流歡及草莽

萬壽競陳詩

萬壽詩

七言律一首

生

員臣顧良

萬國咸寧

萬壽初

恩綸又早徧坤輿
雲門樂奏開天仗
寶篆香濃繞碧虛
遠貢金鵝斟玉液
連登藥榜舞瑤除
龍旗虎幄祥光擁
蓬島還陳秘笈書

萬壽詩

七言律一首

生

員臣楊傑

遙瞻南極映奎光
金殿仙萱接砌長
率土蒸民歸有極
齊天

聖壽祝無疆
西崑曉擁星辰麗
上苑春深桂杏香
千載昌期逢此日
萬方咸奉

萬年觴

萬壽詩

七言律一首

生

員臣張澤乾

紉縵卿雲護紫閭如天

聖壽永無疆彭鏗斟雉方調鼎王母成詩為捧觴下土
薪樵歌棧樸自天福祿頌鴛鴦時雍正值唐虞
世八表同春歲月長

萬壽詩七言律一首

生

員臣張蕃

黃道新開

御極晨萬方咸頌太平春曉鐘聲動臨

金闕仙仗班移護

紫宸樂奏鈞天來舞鳳章開雲漢映祥麟稱觴爭獻
瑤池酒海甸千秋共飲醇

萬壽詩

七言排律二十二韻

生

員臣胡旨

皇仁被物正冲融

聖壽參天貳地中自是升恒齊日月何須方術問崆峒

神和不藉金莖露階泰長披玉殿風法酒獻時

揮

睿藻仙韶奏處賜彤弓

武功赫濯戡中外

文教覃敷邁鎬豐大輅青紘三月令碧桃紅杏五雲叢
簪裾珮動駕行合桓穀圭分雁隊同萬國但知
天子福羣黎豈識

聖人功奠安社稷真無間進退人才總至公悉與蠲租
超古昔每於宥過廣帡幪漢唐事業殊陋堯
舜精微實比隆

澤沛臣僚兼兆庶

恩流草木及昆蟲文成

淵鑒標


宸翰詩自

天題濕彩虹鳳闕天門書法備纂修刪訂道心融洪纖
物格周穹壤是否幾研乃折衷已盡熏陶歸禮
樂真如創造出鴻蒙猶虞孝秀遺三試特立科
名達四聰拂拭能教駕馬驟蒐羅不厭散材充
蓬蒿巖穴無蟠螭海嶠江涯有漸鴻從此萬方
胥被澤自今八表共呼高巍居百代君師上誕

受遐齡濬哲通玉厯金甌歌

帝則千秋萬歲祝

皇躬



萬壽盛典初集卷一百十六

欽定四庫全書

史部

萬壽盛典初集卷一百十八

詳校官宗人府府丞_臣寶光鼎

編修_臣程嘉謨覆勘

總校官知縣_臣楊懋珩

校對官助教_臣卜維吉

謄錄監生_臣張同履

欽定四庫全書

萬壽盛典初集卷一百十七

歌頌五十七

生監諸臣八

仁壽鏡賦

生

員臣宮耀亮

猗惟仁壽之宮有此千秋之鑑雖潛形於幽獨如
揚光於明旦浩乎秋水之澄鮮皎若夜珠之璀璨
向陽烏而燧發初日流輝照金波而水冷明星有

爛其始制也太陰呈精歐冶鍊形燭日則天中之
節擇地則揚子之津蒼龍蟠而鱗鬣鼓動乾鵲墮
而羽翼生成屑金膏以磨洗比玉液之晶瑩映若
無質洞碧虛而何際循之有體象止水之無心寶
匣初開練光飛出規對月而為雙色合天而為一
樹之瑤墀置之密室隔簾幕而重掩誘雲山以低
入煙蘿遙列於金階青翠倒瀉於素壁於是飾以
珊瑚裝之玳瑁躍蟾蜍而洞達行姮娥其窈窕雖

復晉有金飾之美魏有銀華之妙皆不足儷此空
明媿茲朗照况其亦堅亦白不淄不磷非塵鑿之
可蝕在篋笥而亦珍屢照不疲寧遁於妍媸美惡
含虛以待無煩於意必將迎

天子膺圖出震明象重離以人為鑑法天無私日月光華
如聖作而物覩乾坤融朗亦先天而弗違乍闢堯
階流渚之赤虹遠燭獨持軒鏡統樞之紫電下垂
宜其合千百國而成大統縣萬斯年以應昌期者

也

萬壽詩

七言律一首
有序

生

員臣吳鐘

欽惟

皇上御極五十有二年日升月恒星輝雲燦綿兩間之
景運協萬載之昌期甘雨和風正當歲始吹豳
擊鼓共樂春臺物應候以敷榮地成文而列繡
重以

皇都之麗羣瞻

天子之光閭闔門開蓬萊路近桃花千樹天上春多楊
柳三眠人間日暖和氣風行於八表歡聲雷動
於九衢戶進堯尊家陳舜樂極太平之盛事筆
不勝書當普慶之良辰人胥效祝顧奉觴上

壽祇應玉珮羣仙乃詣

闕陳詩許附青衫多士臣等身依

輦轂名厠膠庠望一簇之青旂捧

九天之紅日五雲深處遙識

龍顏

萬歲聲中叨陪虎拜雖才非風雅敢稱秋實春華而志
切敷揚祇屬鶯簧蝶拍行來

上苑隨輯瑞以呼嵩載詠南山數添籌而觀海詩成
七律韻叶三多

行處笙歌

御苑通蓬萊路近日光紅雲開拱獻三春

壽人聽傳呼

萬歲嵩綵結

堯天臺榭迴醉霑周宴海邦同陽春譜作昇平調長此

均瞻景物豐

萬壽詩

七言律二首

生

員臣劉璣

恩深雨露普

堯天羣沐

皇仁頌萬年
宮扇日臨開
雉尾爐香風裊噴
龍涎柳垂

仙島迎

宸幄花馥瑤階敞

御筵共仰

九重引壽域山呼常近五雲邊 其一

盈盈仙樂鳳樓中綵仗班聯拜舞同青鳥自來

青瑣闥紫雲常統

紫微宮乾坤交泰昌期合宇宙長春景運隆四海臣民

皆獻

壽籌添海屋盡呼嵩 其二

萬壽詩

五言排律六韻

生

員臣馬緒

聖世登仁壽清時利用賓金莖凝玉露紫氣集

楓宸雲物光華異山川景象新蒼生三古盛黎獻萬邦

親更舉掄才典重逢造士春普天同獻頌

盛代得賢臣

萬壽詩

五言排律十韻

生

員臣朱揆荃

聖后超千古弘仁育兆民哲宣參造化文武裕經綸盛

典飛

丹詔深恩沛

紫宸八埏蒙覆載四海共尊親樹德膺年永承天獲福

新樂成看舞鳳世治見遊麟雙闕

垂華袞重霄列近臣蓼蕭歌樂愜樸詠樛新奎井文

光聚函關瑞氣臻
嵩呼騰率土願祝億千春

萬壽詩

五言排律八韻

生

員臣許捷

闔闔乾坤大升恒日月長

九天開景運四海沐

恩光瑞靄凝

龍哀仙班列雁行瑤芝輝錦砌玉液注霞觴

紫禁來鸞鶴

丹墀集鳳凰金甌歌永固

寶厯慶遐昌率土同歡忭蓬山共拜颺願將天地壽

稽首獻

君王

萬壽詩

五言排律十韻

生

員臣朱藻

貫月徵嘉瑞流虹協吉祥乾坤溥

惠澤朝野沐

恩光應運賢豪起如天雨露長良辰新鳳歷淑氣囀鶯
簧御柳垂閭闔仙桃奉建章瑞凝金掌露曲度
紫霞觴萬國衣冠集遐方玉帛將採珠來碧海
探玉出崑岡

盛世輿圖輦

熙朝文物昌謳歌盈海甸三祝效陶唐

萬壽詩五言排律八韻

生

員臣丁
翔

帝治當陽盛羣心就日同西庚輝壽域南極麗璿宮宴

鎬歌

文德征苗頌

武功離明光萬域并養溥羣蒙海晏

皇圖鞏春融

聖澤洪堯樽傾法醞舜樂協和風筐篚來遐邇歌謠徧

叟童康衢遙頌

聖拜手罄葵衷

萬壽詩

五言排律八韻

生

員臣蕭弘毅

四海歌天保無疆頌

聖人雞鳴宮漏曉鶯囀上林新綵仗和風暖仙樓瑞靄

勻泰階瞻

盛治率土被

深仁令節當三月歡心協八垠

臨軒敷化雨

建極樂天申歲序乘鴻運文章蔚國賓草茅多藹吉

舞慶良辰

萬壽詩

五言排律十二韻

生

員臣張集成

人際昇平世天開景運昌
南山春日麗

北闕彩雲翔

聖德婉堯舜弘猷邁漢唐
祥麟遊上苑鳴鳳集高岡
共

識

天顏喜欣瞻士氣揚菁莪
徵雅化遇合慶

明良瑤島桃初實蟾宮桂
並芳掄才符令望選彥悉思

皇

教澤流偏廣

恩膏沛未央
遐方羣獻瑞
薄海盡來王
共沐和風暖
同

遊化日長願
隨耆老後競
上

萬年觴

萬壽詩

五言排律二首

生

員臣張萼咸

垂裳昭至治大地扇仁風兼有三皇壽彌欽

五位崇恩從霄漢下樂與庶民同動植俱霑漑熙然化

育中 其一

文命敷環海

膚功奏遠方濬川符禹跡時邁駕周王部屋租全賜園

扉網不張普天觀化日扶杖拜

恩光其二

萬壽詩五言排律六韻

生

員臣徐留臣

壽域開閭闔陽和澤萬方金莖承瑞露珠斗酌
瓊漿鳩鵲鶯花麗蓬萊歲月長八紘恢地軸五
緯煥天章濟濟排鸛鷺啞啞賦鳳凰普天歌有
道拜獻

萬年觴

萬壽詩

五言排律六韻

生

員臣曹培廉

世際時雍日華封祝

聖人桃經千載熟花試萬年春

上苑光風滿寰瀛化雨均普天同擊壤率土樂吹豳

瑞氣迎南極祥雲拱

北辰草茅無限意作頌獻

楓宸

萬壽詩

七言截句十八首
有序

生

員臣關本

欽惟

皇帝陛下

五德統符

萬齡開運

文謨武烈賢堯舜而集大成

聖德神功配乾坤而符太極合同軌同倫同文而益盛

九譯來王偕多福多壽多子以全昌百祿是荷
於今五十二載萬國咸寧自此億萬斯年

一人有慶茲當春王三月恭逢

聖壽六旬海晏河清四海同登壽域日升川至九州盡
入春臺蕩蕩巍巍億姓難名而莫贊熙熙皞皞
百獸率舞以呈祥將總元會運世之昌期用繇
寶曆且兼炎黃義昊之景命永握

瑤圖臣本一介書生欣逢

聖世沐

高厚之長育早有葵忱被

日月之照臨亦同雀躍呼嵩頌嶽附於颺拜賡歌擗管

陳詞比於康衢夏諺句成七字頌進

萬年詩曰

萬年天子體乾行軼舜超堯久太平三萬二千成一歲

元辰六十正方亨 其一

萬年天子纘

宗功

祖德欽承百紀隆

帝命靈長親有道精誠一氣總能通 其二

萬年天子洽

天心肅穆郊壇儼式臨明德馨香徵

至治春祈到處灑甘霖 其三

萬年天子首尊親孝治從今仰

一人養志還將天下養

慈闈瑞色護長春

其四

萬年天子煥文章雲漢昭回典冊光玉屑遠超唐李杜

銀鈎不數晉鍾王

其五

萬年天子武功揚屢奏鏡歌振八荒貔虎策勲皆

睿算九州清晏四時康

其六

萬年天子接心傳洙泗源流一脉連契合紫陽隆異數

千秋金鏡自高懸

其七

萬年天子奏平成

玉輦時巡指授精早有

皇心籌海晏羣歌

帝力奠河清

其八

萬年天子重農桑圖繪豳風惕廟廊一穗九岐歌麥秀

和風歲歲報

君王

其九

萬年天子富詩書玉笈奇探萬卷餘丹筆箋疏勤乙夜

人間珍重似璫璣

其十

萬年天子惠元元賜復蠲租歲益繁不獨康衢人鼓腹

梯航重譯盡銜

恩 其十一

萬年天子飭官箴激濁揚清勸勵深百爾承

恩皆鼓舞忠

君還切愛民心 其十二

萬年天子布祥刑玉律親裁例秉經和氣殷流成久道

如天

大德翼長齡

其十三

萬年天子協星垣三角精微識有源經緯生心心運物

神奇遠已邁義軒

其十四

萬年天子訓如綸長育惟期士有真字字典謨為世則

六經奧旨一時新

其十五

萬年天子振人文

曠典欣承自五雲永定科名新雨露百王千聖未曾聞

其十六

萬年天子廓鴻圖治洽山陬徧海隅近說遠來修職貢

卿雲爛縵燦天衢

其十七

萬年天子海添籌嶽頌高呼徧九州草野小臣齊拜祝

八千歲是一春秋

其十八

萬壽詩 五言排律六韻

生

員臣張廷珩

舜日卿雲縵堯年化日長

九天垂紱冕萬國肅冠裳紫禁鳴仙樂黃扉繞

御香蛟龍騰變化桃李吐芬芳川至符三祝嵩呼動八

荒瑤池陳玉液願引

萬年觴

萬壽詩

五言排律六韻

生

員臣王步青

祥光擁太乙佳氣靄東皇
天上洪鈞轉人間化日長
萬方皆擊壤百辟盡稱觴
鄉會賢關闢春秋士氣揚
祥麟遊上苑彩鳳集高岡
共慶輿圖鞏同瞻

帝道昌

萬年頌

生

員 臣 吳霽著

大哉

皇王繼天立極欽明文思克純其德待旦孜孜居乾翼
翼治臻太和勲被四國久道化成至誠無息歷
數靈長卜年萬億

聖誕乘春和風瑞色爛縵舜雲光華堯日乃用作人俊
門是闢文教覃敷東西南北有兔斯且野無遺

逸雕龍繡虎彬彬文質為國之楨

皇曰予弼用翼升恒泰階呈霽皞皞熙熙實惟

帝力

萬壽無疆載歌九域

萬年頌

生

員臣朱霞

皇帝御宇五十二年三辰增耀五嶽旬宣恭逢

聖壽六甲周環八荒之內元氣駢闐近自畿甸以達九
壑涵濡長育俊乂實繁如海出珠如山吐雲星
辰作繪雲漢章天

皇帝神聖比隆羲軒神功默運旋坤轉乾俾此多士矩
方規圓會極歸極永沫游源

皇帝純孝色養承歡悅愉問視為天下先俾此多士內
行純全遐邇徧德孝弟力田

皇帝聖武不怒而嚴神謀睿算四海蕩平俾此多士策
力高騫雲臺麟閣功勒名鐫

皇帝制作圖書並懸日華月彩彪炳八埏俾此多士經
術紛綸理則程朱文則歐韓於皇多士彙征如
連子子孫孫雲日常瞻戴高履厚

恩無不霑矢其忠孝永載陶甄祥由寶善瑞在得賢天

降甘露地出醴泉聲明艷野文物藻川於千萬
載拱此

壽筵

萬壽詩

五言排律六韻

生

員臣蔣典

道德尊千古

勲華駕百王
太平欣有象
純嘏祝無疆
鳳曆貞元起

龍飛甲子長
卿雲三月錦
春色萬年觴
玉帛森朝會
雲

韶引拜颺斗光環

帝極處處仰

垂裳

萬壽詩

七言律一首

生

員臣文楫

萬壽祥開六合春賢關特啟煥

恩綸南山瑞氣鴻圖永東壁輝光鳳藻新應運甲周綿

玉厯格天申錫慶

嵩辰草茅幸際風雲會競祝無疆仰

聖仁

萬壽詩

五言排律十二韻

生

員臣湯萬保

神聖超千古

恩威普萬方

豐功歌俊偉

愷澤頌汪洋雲牖生蓂莢高岡集鳳凰蒼生登衽席黎

獻侍巖廊南極星初耀西池宴未央添籌盈海

屋拜舞肅駕行錫嘏瞻金闕呼嵩晉玉堂祥光

紫

輦轂喜氣溢梯航
幸值唐虞盛欣瞻
雨露灑瞻雲依
覆載含哺樂義皇
自媿雕蟲技長懷
翰墨香作
人宣雅化

萬壽祝無疆

萬壽詩

五言排律十四韻

生

員臣于春曉

浩蕩乾坤德涵濡

帝澤宣八方承舜日四海戴堯天
擊壤康衢樂薰風解
阜絃太平欣有象愷澤被無邊
一統車書盛三
春景物妍南山增第祿北斗耀奎躔
華祝三多
備箕疇五福全興情歡舞蹈

宸眷篤英賢多士登庸會盈庭喜起年
謂騰青海駿須

飾錦雲韉和玉呈荆石蠙珠貢碧川

聖恩春皞皞藹吉羽翩翩保佑申天命賡歌達
御筵風雲從此際歷服正聯繇

萬壽詩 五言排律十四韻

生

員臣顧琳

大化媿姚姒神功並昊義
太平垂衆日玉燭應調時
壽域開

宸極文星映玉墀萬方羣祝嘏
多士盡摛詞舜奏南薰曲
堯傾北斗卮太和凝

聖節諸福會昌期氣轉洪
鈞徧

恩將湛露施

九重方穆穆百爾盡師師雲漢同天麗奎文並斗垂萼
梧集靈羽械樸茂新枝蔚作天家棟來為

聖世儀祥雲呈鳳閣化雨灑蛟池藹吉欣趨拱共球獻

媚茲嵩呼齊望

闕媿乏揆天辭

萬壽盛典初集卷一百十七